

Kurutsetari Kemi*ti*waruni'*airi* Papuru

Wairitsika

¹ Ne Papuru, ta'iwa Timuteu matia, tekanixewairitiaka, ni'ariekame nekanihikiti Kirititsu Ketsutsi hetsiemieme, mipai mitinakeki Kakaiyari,

² tekanixewairitiaka ta'iwama yuri xemite'erie kurutsetari, Kakaiyari teiterimama xemihiki Kirititsu hetsie xetewiyati, 'ipai teputiyuane:

Kakaiyari mita'ukiyari Tati'aitiwame Ketsutsi Kirititsu matia 'aixia mekete'u'iyarini xehetsiemieme, mekexepitiaka yu'iyaritsie xemika'uximatia*ri*ekaki.

*Kemiti*tawawiri Kakaiyari, mi*wapiti*aniki memi*temaika*ki 'Iyaritsie timieme

³ Tetanenewieti, taheyemeki xehepaitsita pamipariyutsi tekanipitiaka Kakaiyari, Tati'aitiwame Ketsutsi Kirititsu 'ukiyarieya,

⁴ tekatenimarieka yuri kexemite'erie Kirititsu Ketsutsi hetsie, kexemitanaki'erie Kakaiyari teiterimama yunaime,

⁵ mipai xekateniyurieka 'amuweki tita xehetsiemieme miti'iwiyarie taheima, yaxete'ikwewieti. Xeme meripai xekaniu'enanani kemi*ti*'iwiyarie, kuxaxatsiwakaku niuki 'aixia manuyine kemi*ti*yuri,

6 miki niuki xehetsiapaiti kaninuani. Naitsarie kwiepa katinitixuaweririmeni, kanitaweririmeni yaxeikia kemituuyi xehetsia, niuki kaniutsutiarieni 'iya tukaritsie kepauka xemu'enana, kepauka xemitehetima yuriki 'aixia kemituuka'iyari Kakaiyari.

7 'Epaipiraxi kemitixe'uta'ikitia, miki tahepai katini'uximayatametini, tekaninaki'erieka, yakatinikamieneni Kiritsitu parewiwameya hikiti xehetsiemieme.

8 Miki katatiniutaxatiani kexemiteyukanaki'erie 'Iyaritsie xetewiyati.

9 Yatetehetimaika 'anapaiti hiki, tame 'ayumieme tepikatehayewa tetanenewieti xehetsiemieme, mipai tete'iwawirieti Kakaiyari, xemihipineniki yaxetemaiti tita mitinake Kakaiyari, naimeki xetemaiwaweti, 'Iyaritsie timieme xetemaiti naimeki,

10 'axemu'uwaniki meta kemireuyewetse Ti'aitame hetsia miemete kememite'u'uwa, xe'inaki'atsitiati naimeki. Tepiwawirie mitiutixuxuawereniki 'aixia xeteyuriekaku naimeki, xemitiwaweririmeniki kexemite'imate Kakaiyari.

11 Tepiwawirie xemitirikariyarieniki, naimeki xetirikawiti, 'iya kemititirikaie mariweti, para xemiwiwaweniki xemite'uka'eniwaniki, xemite'ukanenewiekaki naime hepaitsita,

12 xeyutemamawieti pamipariyutsi xemipitiakaki ta'ukiyari. Miki yiwemete katanayeitiani, tahetsie mitinakeniki tita Kakaiyari teiterimama wahetsie mitinakeni hekaripa memu'uwa.

13 Kataniutawikweitsitiani Kakaiyari,
yiriyā heitserie mikahexeyaniki tahepaitsita.
Kataniupata, kemi'ane minaki'erie tati'aitiwame
mayaniki, nu'ayatiti.

14 Mikitsie tetewiyati tekaniuxinarieni,
kemitareuyehiwiri 'axatemite'uyuriki.

*Kiritsitu mumiki, ketemite'upitiarie 'aixia
temitexeyarieniki*

15 Tepikayiwawe temixeyaki Kakaiyari, peru miki
kani'ikitsikayatini,
kanimexiakametini heitserie hexeyati tita
mitiunetiarie hepaitsita.

16 Hetsiena tiwiyati, naiti katiniunetiarieni,
tita taheima mitimieme, tita kwiepa
mitimieme, tita temitexeya, tita
temikatexeya,
meta mamariwawemete, miki memitirikawi,
te'aitamete, miki heitserie memexeya:

miki naiti katiniunetiarieni
'iya 'inetiaku, hetsiena mieme tini-
unetiarienita.

17 Miki 'akaniuyeikakaitini tixaiti
katinetiariewekaku 'akuxi,
naiti katiniyuxewini mikitsie tiwiyati.

18 Miki kanitamu'utini, tewi waiyarieya hepai
te'anenekaku,
tame temitatixexeiriwa.

Titsutiwame hikititi,
miki mikite memanuku'uni wamexiakame
kanihikitini,
naimeki mexiakame mayaniki.

19 Kakaiyari kemitiyuwai^{riya}, naiti ke'aneti mihiki Kakaiyari, miki Kiritsitu hetsie 'akaniuweni.

20 Mipaita katiniuyuwai^{riya}, naime 'aixia mitiyurieniki Kiritsitu yatiyurienekaku, para naiti 'aixia mitixeyarieniki miki kemitixeiya,

kuruxitsie yuxuriya kemitiutayeuri,
pipitia tita kwiepa mitimieme tita taheima mitimieme hamatiana 'aixia memiteyuxeianiki.

21 Xemeta 'ana paiti xepiyupatakai xaitsie miemete xe'ayuyeitiati, kexemiteyikihawekai, xekani'uxiwe'eriekaitini mexi 'axaxeteyuriekai.

22 Hikirixia 'aixia xetexeyarieti xekanayeitiarieni, miki tewititi yuwaiyaritsie mumiki, mipai katiniuyurieni mixe'aye'atiani^{ki} Kakaiyari hixie, hetsiena mieme xepatsiekaku, 'aixia xe'anenekaku, xehetsie karahiⁱwakaku.

23 Mipai katiniiyimi^{ki} xikate xeyuhayewa yuri xete'erieti, xetetsariya tirikaiy^ekaku xehetia, xetseiriyarieti xekakuyuaximeti, matsi xe'ikwewietⁱ tita mitixata niuki 'aixia manuyine. Xekani'enieni miki niuki, kanihekiatsieka naitsarie kemiranetiarie muyuawi hetia, ne Papuru nekaniuhiritiarieni hepaitsitana.

Papuru kemitiuhiritiarie nuiwarite wahetsiemieme

24 Hikitsiari ne nekaninetemaw-
ieka tsepa nemu'uximatiarie xe-
hetsiemieme, nekaneye'atiani tita
mireuyewetse nemu'uximatiariekaki, Kiritsitu
kemitu'uximatiarie, newaiyaritsie mipai

nekatiniyurieneni miki waiyarieyatsie mieme, memiyutixexeiriwa mehikitikaku.

²⁵ Ne waparewiwame nekanayani, Kakaiyari keminetiuhiritia xehetsiemieme, 'aye'arikameki nemikuxataniki Kakaiyari niukieya,

²⁶ miki niuki kani'awietsiekaitini, tukari manukatiatsie pikamatsiikikai, teiteri kepauka memanutiki mipai mepikatemalaikai, matsi hiki matsiikiti kanayani, Kakaiyari teiterimama mipai memitemaikaki.

²⁷ Kakaiyari kaniyuwairiya mipai mitiwa'ikitianiki miki, waikawameki witsikemiti'ane 'iki niuki mi'awietsiekai, kemitimariwe nuiwarite watsata. Kiritsitu xehetsie katiniwiyani, 'ayumieme xekanikwewieka witsimiti'ane, miki kanihikitini niuki mi'awietsiekai.

²⁸ Tame tekanihekiatani Kiritsitu, ketemitewaku'imaiya yunaime teiteri, ketemitewa'ikitia yunaime teiteri tetemaiwaweti naimeki, temiwaraye'atianiki yunaime teiteri me'aye'arikame Kiritsitu hetsie metewiyame.

²⁹ 'Ayumieme netinine'uxitiaka, yemeki neti'uximayati, 'iya tirikaiyemeki keminetikuyuitiwa.

2

¹ Kaneuyeweka xemitemaikaki waikawa kenemitine'uxitia xehetsiemieme, rautitseyatari wahetsiemieme meta, hipameta keyupaimeti memikanetsixeyawawe wahetsiemieme.

² Wa'yari mituikarieniki, memiyutaxewireki meyunaki'erieti, memeuka'uniki yemeki yametemaiti kemitiheitserie, memeitimaniki

tita Kakaiyari miti'awietakai, miki Kiritsitu kanihikitiniri,

³ hetsiena miti'awietsieki naiti kemireukawe Kakaiyari, mitimaiweniki mi'ayumieme meta mitiuyemaikaki.

⁴ Ipai nepaine, xewiti mikatixe'iriwiyaniki witsitiuniuti xeikia.

⁵ Tsepa newaiyaritsie xehetsia nemika'uyeika, ne'iyaritsie pita xehetsia nekaniuyeikani nenetemawieti, nexexeyati 'aixia xete'aitariekame, xetsetse'ime yuri xete'eriet Kiritsitu hetsie.

Kiritsitu hetsie kemitiuxinarieni

⁶ 'Ayumieme, Ketsutsi kexemite'utanaki'eri Kiritsitu Ti'aitame time, yaxeikia hetsiena xetewiyati 'axekeneu'uwani.

⁷ Hetsiena xeketenewiyani kiye kemitiwiya yunanayaritsie, kii kemitiwiya tetsariyatsie, heitseriemeki xekenetseiriyarieka yuri xete'eriet, xemite'u'ikitarie hepai, pamipariyutsi xekenepitiaka Kakaiyari.

⁸ Xekeneyukweriwayurieka kapa xewiti xe'unawaniki, timaiweme hepai tikuxatati, yaki xeikia tixe'iriwiyati teiteri wayeyariki, hek-wameki kwiepa memitama kememite'ikitarie, peru Kiritsitu kemaine katikuxatati.

⁹ Miki waiyarieyatsie 'akaniuweni naiti ke'aneti mihiki Kakaiyari.

¹⁰ Xemeta hetsiena xetewiyati xekanaye'atarieni, yunaiti memite'aita heitserie memexeya kaniwamu'utini.

¹¹ Hetsiena xetewiyati xekaniu'inariitarieni miyatniketi, peru mama kemitiyuxiteke pikatixai,

Kiritsitu pita kemitixe'u'iniairitia, kanixe'upitiani xemitehayewaki yaxeteyurieti teiteri wawaiyari kemitiwakuyuitiwa.

12 Xeme xepu'iniairitarie kepauka xemuka'iyarie hamatiana xemukateukie. Miki meta, kepauka xemuka'iyarie, xekananuku'uitiarieni yuri xete'erietu Kakaiyari tirikariyayatsie, yaxeikia kemirenukuketia Kiritsitu mikite watsata.

13 Tsepa xemimikitetikai xeheuyexiriweti xeka'iniairitariewaweti kexemiteteiteri, miki kanixe'anutanieritiani Kiritsitu mame, katatineuyehiwirieni naime ketemiteheuyexiriwekai.

14 Ketemite'ataka'utia yakititi 'aitiarikatsie yatemitekahuniki, miki 'utiarika hixiapa 'uweti kemitatika'unakekai, Kiritsitu kaneyeitiani heihurieka yakititi, yukuruxitsie 'ikirapuximaka.

15 'Ixuriki miye'i hepai kaniwarewiwieni miki memite'aita heitserie memexeiya, wahekiatiati yunaime wahixie, kuruxitsie 'uyewietu, kaniware-hapani yu'utima, wara'iwaka.

16 Xewiti 'ayumieme pikaxexanetani tita xemitekwa'aki meta tita xemite'ieki, xemiwewieki 'ixiarari, yatini metsa mihekwa 'ixiarariyari, yatini 'uxipiya tukari kexemikate'iwewieki.

17 Miki tita 'umiramie 'etiriyaya katinihikitini, peru kemi'ane 'umamie, Kiritsitu kanihikitini.

18 Xewiti pikaxetawe'erieka, tsepa 'iya miyuwairiya tixaiti karayueitiati, tsepa miyuwairiya miwarayexeianiki Kakaiyari niuki tuayametemama, tsepa waikawa miyu'iyaritua yuheinitsi hepaitita. Kemi'ane miya mi'ane

kaniyuta'ireni, tita waiyarieyatsie mitimieme xeikia kana'eriwani,

¹⁹ tamu'utsie katiwiyati. Peru miki tamu'utiti kanihikitini kemi'ane mitimikwa yuwaiyari, turyariki tatayariki kanitaxewiriyani yuwaiyari mitawereki, Kakaiyari kemitiweriya.

²⁰ Merikite, Kiritsitu matia xika xe'ukwini, para tawari xemikakuyuitiarieniki hehekwamete kwiepa memitama kememite'ikitiarie, titayari 'aumi 'axete'u'uwa kwiepa memitama kememitexe'aitia:

²¹ «Tixai pepika'ikumaiwani 'iki, pepika'ikwaka 'iya, pepika'imayiani 'iki»?

²² Miki 'aitsikate naiti teiteri kememite'aita kememite'ikita kanihikitini, miki naiti katinitiximiki tikumayiwwati.

²³ Kememiteyurie, timaiweme niukieya hepai katini'eniiriikini, kememiteyumaiwe'erie, tiku'itawati tixaiti mikarayuyeitia, karima kememiyurie yuwaiyari. Peru kememiteyurie, tixaiti pikatiyunaki'erie wai tita mireuhiwe'erie hepaitsita.

3

Aitsikate patsieti muyeikaniki

¹ Xika Kiritsitu matia xe'anuku'uitiarieni, taheima timiemeki xekeneyuwaiiriyani, hakewa meka Kiritsitu, Kakaiyari tserieta 'akaiti.

² Taheima timiemeki xekeneyu'iyaritiaka, kwiepa timiemeki pikatixai.

³ Xeme xekaniukwiniri, kexemite'ayeneniere, xekani'awietsieka Kiritsitu hamatia, Kakaiyari hetsie xemitewiyaki.

4 Kiritsitu kanitatukaritini, kepauka matsiikiti mayani, 'anata xeme hamatiana xematsiikiti xekanakinikuni witsimiraku'anetsie.

5 'Ayumieme mikite xekenayuyeitiaka kexemitekumaiwakai yuwaiyaritsie kwiepa timiemeki: xepika'ikumaiwani kemi'ane mikaxe'iya mikaxekina, xepikateyukahiwe'erieka, xepikatehiwe'erieka tita 'aixia mikati'anene, tita mikatixepini, kemi'ane mitihiwe'erie tita mikatipinieya tetexi muwarayexeiya hepai kaniyianemiki.

6 Mipai memiteyurieki, 'ayumieme Kakaiyari haxia kaniwapitiamiki miki yamemikatekahu.

7 Xemeri kepauka mipai xeteyurieti 'axemu'uwakai 'anapaiti, yaxaikia xekateniyuriekaitini kememite'u'uwa.

8 Peru hiki matsi xeketeneuhayewa 'ikita naime: kexemiteyuka'uxiwe'eriekai, kexemiteyuhaxiatiakai, 'axakexemiteyuriekukai, 'axakexemutiyuanekai hipame wahepaitsita, niuki 'axamanuyine kexemitexiatiakai yutetaki.

9 Xepikateyu'itaiyani, xekenehiwa miki tewi miye'i, xekahe'eriwati kexemiteyuriekai meripaiti.

10 Mihekwa pita xekenanakatiki, xehewariyariximeti yemeki kexemiteyurie hiki, xemimaikaki Kakaiyari, mixe'utawewi hepai xe'aneneti xemakineki.

11 'Iyatsie tiwiyati tsepaneti mikiriyeku, mihuriyu, tsepa mu'iniatsie huriyutsixi waxitekiyaki, tsepa mika'u'iniatsie, tsepa 'ateewa kiekatari, tsepa wairiyarika miti'uximaya, tsepa miyuni'a, Kiritsitu naiti kanihikiti, yunaime

wahetsie katiniwiyani.

12 'Ayumieme nepaine, Kakaiyari
mixe'anuyexeiki, teiterimama xemihiiki,
xeminaki'eriwaki, xeteyukanenimayati xeke-
nakini yu'iyaritsie, mihekwa xe'anakatiti, 'aixia
xeketeneu'iyarini, xepikateyukatawe'erieka,
xeketeneuyukanaki'erieka meta 'ax-
eketeneutewini xekaha'ati.

13 Xekeneyunewieka, xeketeneuyuyehiwiriekaka
xika xewiti 'itaniukimani xeime. Ti'aitame
kemitixeheuyehiwiri, xemeta hepaina
xekeneyiaka.

14 Xe'ixewiriyati naime, xeketeneuyukanaki'erieka,
miki kanihikitini xemuyuxewiriyani
mi'ayumieme.

15 Kiritsitu kemitixepitia yu'iyaritsie
xemika'uximatiariekaki, ketixe'aitiaka
xe'iyaritsie, xekaniuta'inierieni yu'iyaritsie
xemika'uximatiariekaki, xeiwaiyari xemihiiki.
Miki meta, pamipariyutsi teyupitiwamete
xekenakini.

16 Kiritsitu niukieya xehetsie keheyekani
waikawa, naimeki xetemaiwawekaku: Mikiki
xeketeneyi'ikitiaka meta xekeneyutuikani,
Kakaiyari kwikarieyaki, niawari Kakaiyari
hepaitsita manuyineki, kwikari 'Iyaritsie
timieme hepaitsita manuyineki xeteyikihiaweti,
xekeneutikwikani, yu'iyaritsie xe'iniawati
Kakaiyari, pamipariyutsi xe'ipitiati.

17 Naime tsepa tita xemiteyurie, tsepa
xemutiniuka tsepa xemitekumaiwa, naime
xeketeneyurieka Ti'aitame Ketsutsi hetsia
xemiemetetiti, miki xeparewiekaku,

pamipariyutsi xekenepitiaka Kakaiyari
mita'ukiyari.

'Aitsikate yuri memite'erie wahetsiemieme

¹⁸ 'Ukari xekeniwareu'enieka yikinama,
kemireuyewetse Ti'aitame hetsie xetewiyati.

¹⁹ 'Ukitsi meta, xekeniwanaki'erieka yi'itama,
'axaxepikatewakihaweni.

²⁰ Tiri meta, yaxeketenekahuni naime
kememitexekihawe xepaapama, mipai
pireuyewetse, mipai xeteyuriekaku kaninaki'aka
Ti'aitame.

²¹ Xeme meta xemiwapaapama,
xepikawahaxiatiaka yuniwema, kapa
me'utiwairipieniki.

²² Xeme wairiyarika te'uximayatamete,
yaxeketenekahuni naime kememitexe'aitia
xekutsiyarima kwiepa memitama. Wahixie xeikia
yaxepikateyurieka xewanaki'atsitianike teiteri,
'aixia 'iyariki pita xeketene'uximayaka Ti'aitame
xe'ayemakati.

²³ Tsepa tita xemiteyurie, yu'iyariki
yaxeketeneyurieka Ti'aitame hetsiemieme, teiteri
wahetsiemieme pikatixai,

²⁴ mipai xetema'iti Ti'aitame pixetipitiani tita xe-
hetsie mitinakeniki. Xeme Kiritsitu hetsiemieme
xekateni'uximayaka Ti'aitame.

²⁵ Kemi'ane 'axamitiuyuri miki 'axamiti'aneki
katinakapitiariemiki kemitiuyuri, Kakaiyari yiki
pikatiwaxeiya yunaime teiteri.

4

¹ Xemeta xemiwakutsiyarima, kemitiheitserie
xeketeniwapitiaka te'uximayatamete, yaxeikia

xewayurieti, mipai xetemaity, xemeta taheima xemeixeyaki yukutsiyari.

Hipati tawarita 'aitsikate

² Xepikatehayewani xeyunenewietī: nenewieriki xekenayeneniereni, pamipariyutsi xe'ipitiati.

³ Kepauka xemiyunenewie, tahetsiememeta xekeneyunenewieka, Kaka'yari kitenie mireuyepieniki tahetsiemieme, niuki temikuxataniki, tita mīti'awietsiekai Kīritsītu hepaitsita temitekuxataniki, mipai nemītiyurieneki nepanutahiya hiki.

⁴ Xekeneyunenewieka nemihekiataniki tita mīti'awietsiekai, kemireuyewetse yanemītikuxataniki.

⁵ Xetemaīwaweti xekeneyiaka yuri memikate'erie xewakīhiaweti, kepauka xemīyiwawe 'aixia xemiteyurieniki, yemeki mipai xeketeneuyuri.

⁶ Kexemitekuxata, 'aixia xete'u'iyariti xeketenekuxatani 'aixia ha'anemeki, xeniuki kahamurimeki. 'Ana mipai xepīyiawaweni kehepai 'aixia mīyini xemīwata'eiyaki yuxexuime.

Wairitsika kemitiwaruni'airiexia

⁷ Naime kenemītiuyuri katinixetaxatiamiki Tikiku, miki kanita'iwatini teminaki'erie, tiparewiwame yamītikamie kanihikitini, tahepai katini'uximayaka Ti'aitame hetsiemieme.

⁸ Xemītemaikaki tahepaitsita, xe'iyari mutuikarieniki, 'ayumieme nekanenunī'amiki xehetsia,

⁹ 'Unetsimu mame, mikita kanita'iwatini tem-inaki'erie, yakatinikamieni, xehetsia miemetiti. 'Ena kemitiyiane naime mekatenixetaxatiakuni.

¹⁰ Kanixewairitiaka 'Aritsitari ku nehepai muwiyarie, Marikuxi Werunawe 'iwaya yatewa pixewairitia. Xepite'aitarie hepaitsitana, xika xehetsia nuani, xekeneutanaki'eri.

¹¹ Ketsutsi meta Kutsitu mititewa kanixewairitiaka, huriyutsixi watsata 'iki xeikia nehamatia mekateni'uximayaka Kakaiyari 'ena ti'aitati mayaniki, mekaneninitia ka neminewairiyaniki miki.

¹² 'Epapiraxi xehetsia mimieme kanixewairitiaka, Kiritsitu Ketsutsi hetsiemieme ti'uximayati, yuheyemeki xehetsiemieme katiniyu'uxitiaka yunenewieti, mipai 'utaiti, xemikakuyuitarieniki xe'aye'ati, yemeki xeyuwairiyati naimeki kemitinake Kakaiyari.

¹³ Nekanihekiatanikuyu ka'uxeti kemiti'uximaya xehetsiemieme, rautitseyatari wahetsiemieme meta hierapuritari wahetsiemieme.

¹⁴ Rukaxi kanixewairitiaka tiyu'uayemawame neminaki'erie, Remaxi meta pixewairitia.

¹⁵ Xekeniwawairitiaka 'iwamarixi rautitseyatari, metatsiere Nimipatsi meta miki memiyutixexeiriwa kiitana yunaime.

¹⁶ Kepauka 'iki xapa mititeriwarieni xehixie, xekeniwaruhuritia rautitseyatari memiyutixexeiriwa mikita memititeriwaniki, meta xeme Rautitsey mieme xapa xekeneutiteriwa.

¹⁷ 'Ipai xeketeneutahiawi 'Arukipu,

kene'akweriwayurieka pemeye'atiani
'ahiritiariika, kepemitiuhiritiari Ti'aitame hetsie
petiwiya.

¹⁸ Ne Papuru nemamaki neti'utiati
nekanixewairitiaka. Xekenena'eriwani
kenemiranutahiya. 'Aixia ketiuka'iyarini
xehetsiemieme.

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3